

鞏縣知縣李述武纂修

祥異志

聖人不言祥瑞春秋書災書變而不著事應天人感證之故微矣江都中壘曲配時事所以為鄭氏譏也志例載祥異據史傳係於邑者載之以存往蹟統於郡者不錄焉志祥異

黃帝東巡河過洛修壇沉璧受龍圖於河龜書於洛赤文綠字堯帝又修壇河洛擇良即沉榮光出河休氣四塞元龜負書背甲赤文成字遂禪於舜舜又習堯禮沉書於日

鞏縣志

第六冊

卷之二十

祥異

三五

穆亦光起元龜負書至於稷下榮光休至黃龍卷甲舒圖壇畔赤文綠錯以授舜舜以禪禹殷湯東觀於洛習禮堯壇降璧三沉榮光不起黃魚雙躍出濟於壇黑鳥以浴隨魚亦上化為黑玉赤勒之書墨龜赤文之題也湯以伐桀故春秋說題辭曰河以通乾出天苞洛以流兕吐地符王者沉禮焉

按水經注載於洛泗之下

湯二十有四祀大旱禱於桑林以六事自責雨

綱目

史記曰湯既放桀大旱七年以身禱於桑林之野祝曰無以予一人之不敏傷民之命以六事自責曰政不節與民失職與宮室崇與女謁盛與苞苴行與讒夫昌與

言未已大雨方數千里

節前編

唐高祖武德元年鞏縣有回風發於地激沙磧土屬白日為晦密屯營羣鼠相銜尾西北渡洛徑月不散密敗來歸

見唐書  
李密傳

元宗先天元年鞏縣大水壞城邑損居民數百家

見唐書  
五行志

宋太宗太平興國八年六月河南府河南府洛水漲五丈餘

壞鞏縣官署軍營民舍殆盡

真宗大中祥符元年九月鞏縣柴務牡丹華

神宗元豐七年永安陵下宮芝生一本

以上見  
宋史

金世宗大定五年六月河南府進芝草於芝田石上

見金  
史

鞏縣志

第六冊

卷之二十

祥異

三

元世祖至元十五年十二月河水清自孟津東栢谷至汜

水蓼子谷上下八十餘里澄瑩見底數月始如故

惠宗至元四年六月河南鞏縣大雨伊洛水溢漂居民數

百家

至正二十一年六月鞏縣蝗食稼殆盡

二十六年七月河南府鞏縣大霖雨地震山崩

以上元史  
五行志